

Cerifikati za polaznike prve škole praktične pripreme za nepovratna sredstva EU

Posted By [capital](#) On 17.04.2009 @ 1:51 pm In [Ostalo](#) | [No Comments](#)



SARAJEVO, Deset polaznika iz raznih institucija ili preduzeća dobili su danas na svečanosti u Sarajevu certifikate po uspješnom završetku prve "Škole praktične pripreme projekata za nepovratna sredstva EU", koju je organizovala slovenska kompanija RR&Co u saradnji s Apriori komunikacijama BiH.

Konsultant kompanije RR&Co Damjan Struna izjavio je novinarima da je škola trajala pet ciklusa po tri dana, ukupno 92 školska sata.

"Cilj škole je da se u organizacijama čiji su predstavnici pohađali školu podignu kapaciteti odnosno najbolje iskoriste mogućnosti koje su sada otvorene i koje će biti otvorene što se tiče nepovratnih sredstava Evropske unije", rekao je on.

To znači da se nauče kako pripremati i organizovati tim unutar organizacije, koji će naučiti kako pisati projektni zadatak na način koji će osigurati da će imati najbolje mogućnosti da dobije novac iz ovih fondova, pojasnio je Struna.

Kazao je da je veoma zadovoljan prvom generacijom polaznika jer su pokazali puno zanimanja za ovu temu i bili veoma zainteresovani da što više nauče.

Kompanija RR&Co trenutno vodi još jednu školu u Banjoj Luci, a planira da ovakve škole nastavi najesen ili početkom naredne godine.

Među polaznicima škole bio je i predstavnik Sarajevogasa Ammar Kulo, koji je izjavio da je ovo preduzeće prepoznalo velike šanse u otvaranju pretpristupnih evropskih fondova.

"U tom smislu Sarajevogas prilagođava svoju razvojnu politiku i planove da bi u dogledno vrijeme mogao povući bespovratna sredstva iz evropskih fondova", kazao je Kulo, dodajući da ova firma u ovom trenutku ima nekoliko projekata iz domena zaštite okoliša koje bi mogla kandidirati.

Opština Tešanj radi ozbiljno na pripremi za apliciranje prema fondovima EU, kazao je predstavnik ove opštine koji je pohađao školu Suad Huskić.

U tom pogledu Opština Tešanj je izradila razvojnu strategiju do 2015. godine, što je bio jedan od uslova.

"Drugi uslov je osposobljeno osoblje koje može pripremati takve projekte, a već smo identificirali nekoliko projekata koje želimo aplicirati prema EU", rekao je Huskić.

U ovom trenutku mogućnosti za aplikaciju su prilično ograničene, ali, naglasio je, Opština Tešanj već ima nekoliko potencijalnih projekata u vezi s vodosnabdijevanjem, kanalizacijom, zatim revitalizacijom Starog grada Tešanj i industrijske zone. Fena

Article printed from INFORMACIJA JE KAPITAL: <http://www.capital.ba>

URL to article: <http://www.capital.ba/cerifikati-za-polaznike-prve-skole-prakticne-pripreme-za-nepovratna-sredstva-eu/>